



REPUBLIKA E KOSOVËS / REPUBLIKA KOSOVA

GJYKATA THEMELORE PEJË

---

Numri i lëndës: 2021:109726

Datë: 29.04.2023

Numri i dokumentit: 04236647

NË EMËR TË POPULLIT

P.nr.1057/2021

GJYKATA THEMELORE NË PEJË- Departamenti i Përgjithshëm-Divizioni Penal, gjyqtari i vetëm gjykues Leon Përlaska, në çështjen penale kundër të pandehurit R. K. , për shkak të veprës penale Vjedhja e shërbimeve nga neni 314 par.1 lidhur me nenin 77 të KPRK-së, sipas aktakuzës së Prokurorisë Themelore në Pejë - Departamenti i Përgjithshëm PP.II.nr.812/21 të datës 25.05.2021 dhe kërkesës për dhënien e urdhrit ndëshkimor, jashtë seancës, me datë 28.04.2023, mori këtë:

A K T G J Y K I M

PRANOHET kërkesa e Prokurorisë Themelore në Pejë-Departamenti i Përgjithshëm, PP.II.nr.812/21 të datës 25.05.2021, andaj gjykata konform dispozitës së nenit 495 të KPPRK-së, jep:

URDHËR NDËSHKIMOR

I pandehuri:

**R. K.** , i lindur me datë ..., në fshatin L., komuna e Pejës ku edhe tani jeton, nga i ati L. dhe nëna E., i identifikuar në bazë të letërnjoftimit me numër personal ....., i nacionalitetit shqiptar, Shtetas i Republikës së Kosovës.

## ËSHTË FAJTOR

### SEPSE:

Në kohë të panjohur e në vazhdimësi gjerë me datë 27.10.2020, në fshatin L., komuna e Pejës, përmes mënyrave të tjera siguron shërbime për të cilat dihet se mundësohen vetëm në shkëmbim të kompensimit dhe shmang pagesën për shërbime të tilla, në atë mënyrë që i pandehuri në shtëpinë e tij në fshatin e lartcekur devijon energjinë elektrike, duke u lidhur me një kabull jashtë pikës matëse me shifrën DPE ..... dhe energjia e shpenzuar përmes këtij kabulli nuk regjistrohet fare deri me datë 27.10.2020, kur hetohet nga zyrtarët e KEDS-it, ashtu që këtë kompani e dëmton në vlerë prej 328.21€.

-Me këtë ka kryer veprën penale Vjedhja e shërbimeve nga neni 314 par.1 lidhur me nenin 77 të Kodit Penal të Republikës së Kosovës (06/L-074).

Andaj, gjykata konform dispozitave të neneve 38, 39, 40, 43,61, dhe 69 të KPRK-së, si dhe bazuar në nenet 365, 493, 495 të KPPK-së, të pandehurit i shqipton:

### DËNIM ME GJOBË

- I. Në lartësi prej 100 € (njëqind) Euro, të cilin dënim është i obliguar që ta paguaj në afat prej 3 muajsh, prej ditës së marrjes së formës së prerë të këtij aktgjykimi.
- II. Në rast që i pandehuri nuk dëshiron apo nuk mund ta paguaj dënimin me gjobë, gjykata mund ta zëvendësoj dënimin me gjobë më dënim me burgim, ku një ditë burgim do të llogaritet me njëzet (20) euro gjobë.
- III. Urdhërohet i dënuari që në emër të shpërblimit të dëmit t'i paguaj të dëmtuarës KEDS shumën në lartësi prej 328.21 € (treqind e njëzet e tetë euro e njëzet e një cent), në afat prej 15 ditësh nga dita e plotfuqishmërisë së këtij aktgjykimi, nën kërcënimi të përmbarrimit me detyrim.
- IV. OBLIGOHET i pandehuri që në emër të paushallit gjyqësor të paguaj shumën prej 20 € (njëzet) euro dhe në emër të fondit për kompensimin e viktimave të krimit shumën prej 20 € (njëzet) euro, të gjitha këto në afat prej 15 ditësh prej ditës së

marrjes së formës së prerë të këtij aktgjykimi nën kërcënimin e përmbarimit me detyrim.

### ARSYETIM

Prokuroria Themelore në Pejë-Departamenti i Përgjithshëm ka ngritur aktakuzën PP.II.nr.812/21 të datës 25.05.2021, kundër të pandehurit R. K. , për shkak të veprës penale Vjedhja e shërbimeve nga neni 314 par.1 lidhur me nenin 77 të KPRK-së. Së bashku me aktakuzën prokuroria ka dorëzuar kërkesën me të cilën ka kërkuar që të pandehurit t'i shqiptohet urdhri ndëshkimor-dënim me gjobë.

I pandehuri është i akuzuar për veprën penale Vjedhja e shërbimeve nga neni 314 par.1 i Kodit Penal të Republikës së Kosovës (06/L-074), që e ka këtë përshkrim: “Kushdo që me anë të lajthimit, largimit ose mënyrave tjera siguron shërbime për të cilat dihet se mundësohen vetëm në shkëmbim të kompensimit dhe shmang pagesën për shërbime të tilla, dënohet me gjobë ose me burgim deri në tre (3) vjet.

Me rastin e shqyrtimit paraprak të çështjes, gjykata erdhi në përfundim se janë plotësuar kushtet ligjore nga neni 493 par.1 dhe 495 par.1 dhe 2 të KPPK-së, ashtu që vendosi ta pranoj kërkesën për dhënien e urdhrin ndëshkimor si në dispozitiv të këtij aktgjykimi.

Gjykata konsideron se provat e bashkangjitura në shkresat e lëndës si: pro-fatura mbi dëmin e shkaktuar me nr.D.... e datës 28.10.2020, fotografitë e vendit të ngjarjes si dhe procesverbali me nr.....i datës 27.10.2020, janë prova që ofrojnë bazë të mjaftueshme për dhënien e urdhrin ndëshkimor dhe se i pandehuri ka kryer veprën penale Vjedhja e shërbimeve nga neni 314 par.1 lidhur me nenin 77 të Kodit Penal të Republikës së Kosovës (06/L-074).

Me rastin e caktimit të lartësisë së dënimit me gjobë, gjykata u mbështet në nenin 43 par.1 dhe 2, 69 dhe 70 të Kodit Penal të Republikës së Kosovës (06/L-074), ku nga provat e bashkangjitura lëndës dhe faktet e përshkruara si në aktakuzë gjykata erdhi në përfundim se dënimi me gjobë i shqiptuar si në dispozitiv të këtij aktgjykimi do të arrij qëllimin e dënimit siç parashihet në nenin 38 të KPPRK-së dhe se ky dënim do të parandaloj kryesin nga kryerja e veprave penale në të ardhmen, të bëjë rehabilitimin e tij, të parandalojë personat e tjerë nga kryerja e veprave penale të ngjashme dhe shprehë gjykimin shoqëror për veprën penale të kryer nga i pandehuri.

Kur u vendos në lidhje me dënimin plotësueses, urdhri për kompensimin e humbjes apo dëmit, me të cilën u urdhërua i pandehuri R. K. që të dëmtuarës KEDS t'i kompensoj dëmin në lartësi prej 328.21 € (treqind e njëzet e tetë euro e njëzet e një cent), në afat prej 15 ditësh nga dita e plotfuqishmërisë së këtij aktgjykimi, nën kërcënimi të përmbarrimit me detyrim, gjykata u mbështet në nenin 61 par.1 të KPRK-së.

Vendimi mbi shpenzimet e procedurës penale për paushallin gjyqësor është marrë, në kuptim nenit 449 par.1 dhe par.2 nën paragrafi 2.6 dhe nenin 452 par.1 të KPPK-së.

Vendimi lidhur me taksën për kompensimin e viktimave të krimit, është marrë në bazë të nenit 36 par.3 pika 1 të Ligjit 08/L-109, për kompensimin e viktimave të krimit.

Nga se u tha më lartë, në kuptim të neneve 364 dhe 495 të KPPRK-së, u vendos si në dispozitiv të këtij aktgjykimi.

#### GJYKATA THEMELORE NË PEJË

Departamenti i Përgjithshëm-Divizioni Penal

P.nr.1057/2021, me datë 28.04.2023

Gjyqtari i vetëm gjykues

Leon Përlaska

#### KËSHILLË JURIDIKE:

Kundër këtij aktgjykimi i pandehuri apo mbrojtësi i tij mund të paraqesin kundërshtim në afatin prej 8 ditësh, nga dita e pranimit të tij, në këtë gjykatë.

#### Vërejtje:

Nëse nuk paraqitet kundërshtimi brenda afatit të lartshënuar, urdhri ndëshkimor merr formën e prerë dhe dënimi i shqiptuar të pandehurit ekzekutohet.